

دموع تبحت عن امل

ديوان شعر

# دموع تبحت عن أمل

للشاعرة/ نادية بديوي

دموع تبعدت عن امل

بِسْمِ اللَّهِ الرَّحْمَنِ الرَّحِيمِ

### إهداء

إلى القلوب النقية والنفوس الطاهرة الذكية.  
إلى الأرواح الغنية المليئة بالحب والدفء والوفاء  
الذين يفعلون معي كل الخير  
دون أي مقابل ووقفوا بجوارني حتى هذه اللحظة  
دون كلل ولا ملل وهم كالنجوم تضيء لنا الطريق  
إلى كل صاحب وعي وفكر يحترم إلى صاحب قلم  
ترك بكلماته بصمه في قلوب الآخرين  
إلى أصحاب المبادئ والقيم النبيلة  
إلى من يملكون صفاء المشاعر ورقه الاحاسيس  
ويعلمون قيمة وقدر الكلمة الصادقة  
إلى القراء الذين يشعرون بكلماتي واخاطبهم بنض  
إحساسي  
دعوني أهدي إليكم هذه المجموعة الجديدة من  
القصائد المتنوعة.

## مقدمة

هذه مجموعة من القصائد أتجول فيها  
بنض إحساسي بين الصرخة والضحكة  
بين الدمعة والفرحة بين الشخصية  
والوطنية وبين الحياة الإجتماعية.

أحاسيس تنبض من قلب شاعرة إلى  
قلوب تحرك السواكن و ترسلها كدموع  
تبحث عن أمل، مجموعته متنوعه،  
أجسد فيها كثيرا من الواقع المؤلم ،  
واشرح فيها من المواقف المخزية  
التي قابلتني من أعز وأقرب الناس إلي  
قلبي.

أردت بها ان أصل إلي قلب كل  
حزين، وأداوي بها كل جريح، واجعل

منها تطيباً للخواطر، وأذكر بها من  
نسي،

واقترب من كل متأمل بكلمات تخرج  
من قلبي بعيداً عن علم الخيال، تعزفها  
نبضاتي وتسكن في أعماقي وتحيطها  
ثله من المشاعر والأحاسيس النقية لا  
علاقه لها بالعقل،

ف العقل له حسابات أخري، فعندما  
ينجرح الفؤاد أو يهوي سرعان ما  
تتواجد العداوة بينهما فالقلب هو من  
يدير ولا يدار

ومن قلبي ارسل إلى قلوبكم تلك  
المجموعة من القصائد التي اكتبها  
بإحساسي لا بقلممي.

خادية جديوي



## من أنا؟

عرفينا بنفسك؟

بنت مصرية

كيف بدأت موهبتك مع الشعر ومنذ

متى بدأت؟

يقظه متأخرة

كيف وصلت إلى هذا المستوى من

التعبير؟

طموح ستات

بمعنى أوضح؟

فكر لحظه

أنا اللي بسأل؟



عارف.. يخيل لى ..

بسمة غائبة... سعادة مسروقة

يعنى احساسك هو اللي وصلك تمام

مين قدوتك ومثالك الأعلى؟

سألوني

وكان جوابك عليهم أيه؟

نبع الحنان

مين بالتحديد؟

فلسطيني حر

لماذا اخترت العامية لك ك شعر؟

احتياج... بكاء الأبرياء

ما طموحك؟

شمس لا تغيب... أمل جديد

ما قولك في الشعر الهابط ؟

فنجان حائره ... دنيا عجيبة.....

ملهاش إعادة

نفسك في أيه؟

كان نفسي أعيش

ازاي ؟

ما تخفى الصدور

عندك مشكله؟

مشكلة بنات الفيس

ملهم بنات الفيس؟

أشواك ورد

ممکن توضیح أم تكتفى بالصمت؟

بأنواع الصمت



## دموع تبعدت عن امل

لو عندك نداء هتنادى مين؟

يا فجر

وليه الفجر؟

أمل العيد

لك نداء آخر؟

زمان يا مزيكا

آخر قصائدك؟

عنوان أوطاني..... خيانة

عشيرة.... القبور تنادي

برقية حب منك هتكون لمين؟

بحبك يا حياة.... بحبك يا مصر

تحبي تقولي حاجة لجماهيرك؟

شكراً بجد للكاتب أيمن دسوقي

## أنا بنت مصرية

أنا بنت مصريه

بحبوحة عاطفيه

شعنونه مجنونه

تقدر تقول عني

عايشه بعفويه



من وجه قبلي

بحب أعيش في سلام

وابعد عن كل اللي يتعبني

بنت الصعيد

وبنت الصعيد حرة

وغيرتي على الحبيب

قاسيه أوي ومرة



واللي يعاشرني

لا يعرف ف يوم غيري

ولا يحلم يجبلى ضره

واللي يفكر في يوم

ما يستاهلش اللوم

ومالهوش عندي مكان

لا جوه ولا بره

## يقظة متأخرة

تعرف ؟

تعرف إني في غيابك

أول مره أبص في مرايتي

ألاقيني عجباني



أول مره

أخذ بالي من روعي

وأول مره أحس بكياني

أول مره

أخذ بالي لبراءة محفورة في

ملامي

## دموع تبعدت عن امل

أول مره ماخفش من جرحي  
ولأول مره ما بينطفيش فرحي



تعرف؟!.....

تعرف إني في بعادك

لقيت نفسي

ما بقتش أنساها زي زمان

خلاص ذاكرتي رجعتلي

واختفي من الفؤاد أسمك

واتحفظ على اللسان أسمى



## دموع تبعدت عن امل

وفرقتني كمان أحزاني وبعدت

عني اشجاني وقدر الهم ينساني

ياريت يرجع زماني تاني

لا كنت إخترتك ولا عرفتك

لا كنت اخترتك ولا عرفتك.

## طموح ستات

سألني في يوم: هل يستطيع رجل

أن يرضى طموح ست؟

فأجبته: نعم كل ست لها عند

الرجل

الذكي حل



مثلا الست المادية تكسب قلبها

بكام ألف جنيه وهديه

والست العصبية تكسبها بالصبر

وطول الباءال والمراضية



والست الشعنونه كالطفل بسيطة  
ومريحة بس مجنونة تكسبها  
ب لمسة ايد ع رأسها ومصاصه  
ولعبه ومش هبالغ لو قلت ببرونه  
وعسليه



والست الحساسه تكسبها بالاحترام  
والتلطف وعطر الكلام وتلقاها  
دائما بوجه يهوي الإبتسام





دموع تبعدت عن امل

والست النكديه تكسبها  
بالتجااااهل وتتعامل معاها  
بهديوووء وعفويه



والست الذكية تتعامل معاها كما  
انت  
واياك ان تتعامل معاها مجرد  
ست عادية ساعتها هتروح يا  
مسكين في شربه ميه.



اما الست المؤمنة تكسبها بكثرة  
الايمان وتصلي معاها ركعتين في  
جوف الليل والناس نيام

## دموع تبعدت عن امل

وقتها فقط ترضي عنك النساء  
ويرضي عليك الرحمن وتدخل  
الجنة بسلاااام  
واضح الكلام ولا نقول كماااان.؟

## فكر لحظة

كام واحد ضيع وقتك

كام واحد خد من عمرك

كام واحد سبب ألمك

وكام واحد داس ع جرحك

طيب كام واحد فيهم حبك؟



في حيتنا حبة أشخاص

تجافيهم يشيلوك على الراس

ويعملك من خده مداس

تراعيهم وتحن اليهم

يدوك الضهر بإخلاص  
وطول ما انت طيب وكيوت  
راح تشرب من مر الكاس



لكن أنا بسأل فين الحب  
فين مشاعرنا فين الإحساس  
هل ضاعوا في قلوب الناس  
هل ماتت فينا ضمائرنا  
هل عميت فينا بصائرنا  
ف يا ارب بلطفك تهدينا  
وتنقي صدورنا وتحميننا  
من شر الوسواس الخناس

دموع تبحت عن امل

## يخيل لي

أني كلما أبحرت

بين عينيك

سأجد ضالتي وشطاني



وكلما اشتدت الرياح

أغرقني الموج

وسط أحزاني

فهل للغريب من توبة

أم ستجف الدموع بين أجفاني



## بسمة غائبة

نفسى فى بسمة جميلة

تخلى القلب يطير فى السما

زى النسمة الجميلة

تهدى البال وتزيل القسوة المريرة



نفسى فى فرحة

تراضى خاطر وتملى فؤادى

بساتين طارحة وسعيدة



ونفسي في ناس تكون متسامحة

نفسى في كلمة

تهز كياني تحول وطني

لعالم تانى



نفسي في حب يقود أركاني

نفسى الدنيا يوم تضحكى

نفسى أرتاح بقى من أحزاني

والآمى



## سعادة مسروقة

عارف؟

عارف لما فجاه تستغني

عن كل الكلام



عارف

لما من خلال

النظرة تحس براحة

بال و أمان

عارف





دموع تبعدت عن امل



لما تكون مش

قادر تخبي من عوازلك

الفرحة والابتسام تبقى طرحة



عارف

لما تودع كل الحروب

وتعشق السلام

طب عارف لما القلب

يطيبر ف السماا زي الحمام



دموع تبتث عن امل



عارف..... عارف.....♥

طيب بالله قولي

لما يكون الصمت

جمال يبقي ايه معني الكلام.





## سألوني

هل للشعر من إحساس؟

يلمس قلوب البشر

ويصحي ضمير الناس



فأجبت نعم... وهل تستطيع

البشر ان تحيا بلا أنفاس

الشعر مش حبة سعادة

على الورق أو وردة بنقطتها

وف الآخر بنفترق





الشعر أحلام سنين بتسرق

الشعر مش مجرد كلمتين

زعلايين

الشعر نااار بتحرق ف الفؤاد

مع ضجة اصوات الأنين

الشعر مش مجرد صفحاتين

مليانين بكلام كتير

مع فنجان قهوة سادة.

الشعر إحساس بالتححرر والتجرد

والارادة



دموع تبعدت عن امل

الشعر إحساس بالألم

لما بيوتنا بتتهدم في الأقصى فوق  
الغلاية.



الشعر بسمة صافية

من عين بريئة

الشعر كلمتين حنينين يطمنونك

في وقت ضيقه الشعر صوت

يرفض الظلام وبعشق نور

الحقيقه

دموع تبعدت عن امل



وبالشعر فقط تقدر تطيب الخواطر  
وتداوي جراح القلوب... الرقيقه.



دموع تبتث عن امل

## نبح الحنان أمي

رمز الأمان أمي

قربك يكفيني حضنك يديني

دمعك يبكييني صوتك يطميني

نبح الحنان أمي

رمز الأمان أمي



صمتك ونس ليا ممزوج بحنيه

ورضاك أمنييه يرضي الإله عني

نبح الحنان أمي

رمز الأمان أمي

دموع تبعدت عن امل



شايلة الهموم وحدك وبتدعي للي  
بيسأل وللي يغيب عنك يا صابرة  
على وجعي وفي تعبتي بتضمي

نبح الحنان أمي

رمز الأمان أمي



جينا عليكى كثير وممرت شهر  
وسنين بكت فيها عنيكى ولما  
نتجمع قلبك بينسى أوام ووعيش  
سعيد فرحان باللمه ياعمري

نبح الحنان أمي

رمز الأمان أمي



دموع تبعدت عن امل



لما بترضي يا أمي تضحكي أيامي  
تنساني أحزاني وبعود لوجداني  
وبينفرج همي  
نبع الحنان أمي  
رمز الأمان أمي



ياوردة في جنينه يا عمر عاش لنا  
يا صوت بيعزف محبه يا نسمة  
هواء باردة تنعش أمانينا  
نبع الحنان أمي  
رمز الأمان أمي

دموع تبعدت عن امل



يارب تحميها أحفظها قويها شقيت  
علشاننا كتير بدعليك يا ربي بالجنة  
تجازيها

نبح الحنان أمي

رمز الأمان أمي

## فلسطيني حر

أنا الشاب الفلسطيني  
لاهابك يا ابن صهيون  
ولا أبيع لك في يوم طيني  
رصاصك مش هيرعيني  
أنا رااعبك بيقيني



وهفضل أصد رصاصاتك  
باجسادي أنا أصلي الموت  
مصاحبني وشيء عادي  
في يدك الي



وبصوتي بخليك تموت من الخوف

علموك يا واكل ناسك تمسك

سلاح

لكن نسيوا يعلموك الرجوله وشرف

الكفاح

وعلموني أهزمك أنت و سلاحك

بالثبات وبحي على الفلاح.



دموع تبعدت عن امل

## احتياج

عارف لما تكون مضطر

تدأ ااري الاحتياج

عارف لما تحس في لحظه

أن الكل عنك غاب



عارف لما يكون ليك سراب

ونهارك ضباب

عارف لما القلب يشيب

ف عمر.. الشباب



## دموع تبعدت عن امل

طب عارف لما الحيرة

تدق جواك كل باب

عارف لما تداري روحك

من نظرة عتاب



عارف لما تعيش أمل

تلاقيه كذاب... عارف؟

طيب قللي

إيه لسه باقي من العذاب؟

دموع تبعدت عن امل

## بكاء الأبرياء

لا تبكي بالله يا أمي  
فدموعك نااار تحرقني



لا أدري كيف أواسيكي  
وكم أتمني تقبلي فرحي  
وكل همى أحمل عنك همك



وهموم الدنيا يا أمي

دموع تبعدت عن امل

لا تسوي دمة من دمك



فأنتي الرحمة يا أمي  
وجناتي تحت أقدامك.



## شمس لا تغيب

يا شمس عمرها ما تغيب

بقلب حزين ودمع غزير

اوصيكم يا بسمة بكره

يا كلمة وفكرة

تحطه بلدنا ف عنيكم



تعبتوا كثير

وشيلته الهم فوق الهم

وسهرتوا علشانها الليل

## دموع تبعدت عن امل

انتوا كفاحنا ف الماضي  
وانتوا أملنا في التغيير  
يعيش الحق بوجودكم  
يا رافعيين ف السماء دينكم



يا شرف الأمة يا عزم وهمه  
يا رمز الوحدة واللمه  
يا قلوب مليها الخير





قلوب الشعب بتدعيكم  
يثبتكم ويحفظكم ويبعد الأذي  
عنكم  
ويمحي ظلم أعداكم... أبشركم



وبكره جاي بفجر جديد  
مليان بالفرح والمواعيد  
هيطرده كل أحزاننا وهي يرجع  
ليالي العيد  
يا شمس عمرها... ما تغيب



## أمل جديد

تيجوا نفرح

تيجوا نطرد الأحزان

من بيوتنا ومن كل مطرح

الحياة بتمر بينا

سواء زعلنا او رضينا



تيجوا نطرد الحيرة برة

تيجوا نفرح من قلوبنا

ف العمر مرة

## دموع تبتدث عن امل

تيجوا نضحك علي السنين  
وندوس ع العمر اللي عدي  
ونسقي أرواحنا الحنين



تيجوا نقفل ع كل اللي فات  
ونمر ع الجرح بعزيمة وبثبات  
ونسيب الفرحة تخلق جونا عيد  
تيجوا نبدا من جديد  
تيجوا... تيجوا؟



## القبور تنادى

تنادي القبور على مر العصور  
لذات العقول يا ابن ادم مكانك  
هنا  
سعت ومشيت ورحت وجيت  
كابرت وعصيت واخرتها مكانك  
جيت  
يا ريت كان بيت وأرض وغيط



في المسجد ركعات بتمر في دقائق  
ووهمت نفسك كده خلاص وفيت

وناسي يوم الحساب يا حزين



وكام فرضت في أمر الدين

وهتقول أيه لرب قدير

أنا المسلم وكان مغلوب على أمري

قاسيت وجافيت وضيعت سنين

عمري



لا صلاه ولا صوم ولا نفس تلوم

ومافيش كام يوم وهتلاقيني

هنا في قبري لا مال ولا جاه



ولا حتى جنبي حد من أهلي  
ما فيش غيره وحيد في سماه وفي  
أرضه هيغفرلي ما أنا عبده ولي  
عنده عشم برضه



ومين يعشم في رب كريم رؤوف  
ورحيم وهيرده





## فنجان حائرة

قولي يا خالة ....

قولي يا خالة

شايفة في فنجاني ايه

قولي بسرعة اوام يا خالة

بدي اطمئن عليه



بدي اسمع عنه كلمة

بدي ألمح من عيونه بس نظرة

أو حتى أعرف إنو بخير

بدي أقوله كلام كثير



بدى أقوله إنى فى بعاده

بقى ويلى ويل

وليلى نهار ونهارى ليل

بدى أشبع من كلامه

كلامه بلسم يشفى العليل

هو كمان بيدوب فى غرامى

وأكيد مشتاق ليوم يجمعنى بى

تانى



عارفه يا خالة

هو قالى إن فى غيابى حياته

مش هتكمّل وإنو لما يرجع



راح تكون حياتنا أجمل  
وقالي إني أقرب منو ليه  
وإني روحه وإني عمره  
وإني ساكنه بين ضلوعه  
وإني أول حب وإني نني  
من عنيه.



قلبي حاسس  
بكل اللي هتقوليه وروحي  
طايرة من السعادة



ما تقولى يا خالة شحتفتى قلبى

ساكته لبيبه ؟

والله يا بنتى ما عارفه

راح أقولك إيه

كان بودى أقولك يا ضى عينى

كل إالى بدك تسمعيه



لكن أعمل إيه

لازم من الأوهام تفوقى

واللى هقولو تفهميه



## دموع تبعدت عن امل

أنت يا بنتى حبيبك غادر  
باعك وهاجر خان العواف  
وداس المشاعر.. وحب غيرك  
وحبك أنت هان عليه



نصيحه منى إنسيه يا بنتى  
الدمعة منك.. خسارة فيه

## دنيتنا عجيبة

العايش فيها تايه  
والميت ملهوش حد  
والغدر فيها في لحظه  
وجبال الحب الوردي  
في ساعة غضب تنهد



وأنا تايه وسط الزحمة  
ودموعي ملئ الخد  
يا تري أنا عايش بنكم  
ولا مجاملات شكلية

دموع تبعدت عن امل

من أجل بقاء الود

يارب

تهدينا وتهدي حبايبنا

ومحدثش يجرح حد

دموع تبث عن امل

## ملهاش إعادة

صدقوني الدينا دي

ملهاش إعادة الدنيا إما بسمه

وإما دمعه ياما فنجان قهوه

ساااده يشربوه في آخر حياتك



أوعاك تسلم للهموم

لا فرح دام ولا الأحزان راح تدوم

خليك قوي صاحب ارادة





## دموع تبحت عن امل

عيش بالعزيمة والأمل

قوي الفؤاد بوداد رب العباد

واطرد من حياتك أي شيء

لا يحتمل.



## كان نفسي أعيش

كان نفسي أعيش

كان نفسي أفرح



أطير وأمرح

ويطلعلى ريش

وتطول حياتي

ما تنتهيش



زارني الزمان

وقالي فوق

## دموع تبعدت عن امل

أنت اللي زيك

مالهوش مطرح

وكمان حياته

ما تساويش

## ما تخفي الصدور

يا اااااه يا قلبي الحزين

راجع تحن للماضي الأليم

مش كفاية جرح السنين

مش كفاية صوت الأنين



راجع تحب من جديد

وتقول خلاص

أحزاني خلصت والليله عيد

نفسك تعيش كام يوم سعيد



تاااني يا قلبي بكفاية مره

عايز تهاجر

عايز تهاجر وتسبني

تاني الفرقه مره



وهتيجي تبكي

تبكي وتشكي من ظلمهم

وهفكرك مش قلتك

خليك بعيد



## دموع تبعدت عن امل

أنا اللي عارف غدرهم  
ومفيش سعادة في قربهم  
سافر يا قلبي



سافر يا قلبي ويا الحبايب  
وافكر مين اللي بادي  
ولو أنجرحت متشكيش  
انا أصلي واخد ع الأسي  
والجرح أصبح بنسالي... عادي؟



## مشكلة بنات الفيس

مشكلتنا ف النساء

إننا عايشينها جد

وإننا بنحب دائما

كل شيء يقالو حد



بنوفى جدا بالعهود

بنرفض دائما أى بعد

وبنتحمل تعب الحياة

وعندنا ع غدر الزمان ألف رد





والكلام الحلو منكم  
من غير أي فعل يا اما  
ملينا الكلام ومللنا كذبكم  
جففتوا في قلوبنا الحنان  
نسيتمونا الإبتسامة



ويجيلي واحد ويقولى  
أنت ليه عاملة عبيطة  
كل ده كلام بقوله مش حاسه بيه







أنت يا البعيدة حيلة ؟



مش هاقولك إننا مشاعرنا ماتت

ولا هاقول جفنى دموعنا

اللى ياما على الخد سالت

ولا هاقول هاتلى أحلامنا اللي

كانت



لكن هاقولك لو تقدر داوى

بكلامك

كل الآلام اللي فاتت







## زمان يا مزيكا

نسينا الكلمة الحلوة

وبنكتب شيكا بيكا



وأنت ياعم المطرب بشويش علينا

خدلك هدنه يومين وارحمنا

صوت حنجرتك هد الشيش



عيش ياسيدي فيها عيش

خد فلوس واللبس ذهب



واشرب حشيش

برطع وافسد ف الشباب



ولما حد يوم يضايقك

قوله عمي الباش شويش

خد فلوس ع لحن مايل

كلمات لقيطه ووزن سافل

يرحم الجيل اللي عافر

من أجل الكلمة الأنيقه



أما الآن شله وفاشله



في الميدان

مهرجان ع شغل جان

داسوا عالقيم النبيلة

زرعوا في ولادنا الجنان

ولو قلت: الاحترام

فين يانا اس بس اللجان

يلحقوا الفن اللي كان

يشدوا ويانا اللجاام ؟



ومن أنكر الأصوات تلاقي

اللي يخبط واللي يرزع

واللي تايبه منه نفسه



دموع تبتدث عن امل

جاي يتنطط ويدفع

يدفع في الهلس البواااكي



وناس تانيه ع الرصيف

كل يوم بتنام خفيف مش لاقيه

تمن الرغيف وعيونهم دايمًا

بواااكي



مش طايلة حتي البواااكي

وراضيه بالهم اللي باقي

والهم ليه بيهم مارضي



## الصمت أنواع

صمت يقتل صمت يخجل

وصمت يداوي ..الأوجاع

صمت يفرح صمت يجرح

وصمت صابر ع اللئ باع

وصمت راضي بأي وداع

صمت يعاتب صمت يعاقب

وصمت يصحح الأوضاع



وأنا وقلبي

أخذنا الموج في أحضانه





وهبت رياح قاسيه  
حالفه تهدم كل سُطَّانه  
ما عادة تنفع فيها  
مركبنا ولا يغلبها أي شراع



دموع تبتدث عن امل

## يا فجر

يا فجر شقشقة سماءك

وانكشف ليلك

وغنت الأغصان وزقزقة

علي الأشجار عصفيرك



ما إن كان نهارك طلع

نور قناديلك وأسعد محبينك

وإن كنت لسه بعيد

قولي أنا أجيلك .....



يا فجر

فرح قلوب من الهوي داا بت

وطبب ع اللي انجرح

وحدوده من الدموع داا بت

وارحم صغير السن

ارحم صغير السن

من كتر أحزانه فروته.. شاا بت

..... يا فجر



## أمل والعيد

وفات العمر

بلا مواعيد

لأول مره

ما أخذش عديه

في أدیه ف يوم العيد؟



لأول مره

أحس بعمری بیخونی

فايت يجري وفايتني

وناسي معاية كل جديد

لأول مره

أشوف في الوحدة لمة وأهل

وأشوفني ليه السند والضهر

وأشوف الغدر شيء عااادي

ووفاء القلب... شيء مش سهل



واكفكف دمع في عنية

والملم روعي حوالية

وأداوي جروحي بإديه

واطبطب مني عليه

ولنفسى أدي أنا عديه

وارضي خاطري ومشاعري

وتملس ايدي علي شعري

في يوم العيد



والحق لحظه من عمري

اللي فات يجري بلا موعيد

في يوم العيد

## أشواك ورد

خد وردك وهات الشوك

وهات كلمة كتبناها

بعلو الصوت



وهات كشكول من رسمى

ورجلى حروف أسمى

وهاتلى شكل غير شكلى

وهاتلى طيبة كانت ساكنة

فى ملامحي



وهاتلى طيب .....

وهاتلى طيب يكون ماهر

يوصلى دواء لجرحى

يداوى رعشة فى يدى

يكفكف دمعته على خدى



وهاتلى فجر من بكرة

وهاتلى حياه بدون

أوجاع ولا ذكرى

وهاتلى ناس.....

وهاتلي ناس تكون عايشة

على الإخلاص وعلى الفطرة

وهاتلى عيد مش عيدى

ورجع نبض لوريدي



وهاتلى عمر ما يعديش

وهاتلى قلب يعيش يوفى

وما يخونيش

وهات أيام تكون صافية

ما تخذعنيش



دموع تبعدت عن امل

وهاتلى فرحة مش ليا

وما تسعنيش



جری لنا أیه ما تسألش

خلاص ملیت وما بیدیش

خلص صبری وراح وقتك

یادوب ترحل

على شان ألحق ألم اللي فضل

مني وألحق أعیش.....اشواك

ورد



## عنوان أوطاني

اثبت...عافر.. قاوم

وانحت جوه الصخر وعيش

اضحك افرح وانسى الآمك

لو هتاكلها بملح وعيش



وارسم للأيام أحلامك

جمد قلبك أفرض نفسك

واملاً سكتات الكون بكلامك



دموع تبعدت عن امل

قاوم...فوت

رج الأرض وعلي الصوت

خوف منك حتى الموت



صحي الكون من بعد سكوت

خلى الدنيا تشوفك تانى

أنت أساس الدنيا بحالها

وأنت اللغز فى سر جمالها



أوعى تسلم يوم للحزن

## دموع تبديت عن امل

أوعى تعود لجراحك تانى

عمر الحزن ما كان مبدأنا

والأفراح....عنوان أوطانى

## بحبك يا مصر

هتفرج يا مصر  
يا أم الحبايب  
يا نور الصباح  
وشمس اللي غايب



يا عشق السنين  
و نبض الحنين  
في حضنك يا غاليه  
بنسى الجراح

دموع تبتث عن امل

ونحضن أملنا

ونعيد الكفاح



ووعدك يا أمي

يكون دين عليه

أحرر ترابك

وأبيع اللي باعك



وأكفف دموعك

دموع تبعدت عن امل

واعمر نجوعك

وداوي الجراح



هتفرج يا مصر

يا أم الحبايب

وشمس اللي غايب

ونور الصباح

دموع تبعدت عن امل

## بحبك يا حياة

رغم الشوق والحنين

رغم ظلم السنين

ورغم الصوت الحزين

وصل إلى منتهاه



بحبك يا حياه

رغم هوان المعزة

أزرع في القلب عزة

تداوى كل آه

نوصل بر النجاه





بحبك يا حياه

رغم غدر البشر

وقلوب صبحت حجر

وعمر بيندفن في مقبرة الغزاه



بحبك يا حياه

رغم الفرحة اللي غابت

وسنين عمرى اللي تاهت

في حاجات جوانا عاشت



وضمير يبصرخ لا انا



بحبك يا حياه

رغم النور اللي ضلم

ورغم الوجد اللي علم

ورغم تعب القلوب

والصبر ع المكتوب

ومصير ما منه هروب

ولا شكوى غير لله

دموع تبعدت عن امل



بحبك يا حياه

بحبك وفي قلبي ذكرى

فيها أمل لبكرة وعزيمة وألف فكرة

ترجع اللي تاه.....

بحبك يا حياه

دموع تبتدث عن امل

## شكراً

شكرا بجد

للي رسموا ع وجهي بسمة

شكرا بجد

للي تركوا في حياتي بسمة



شكرا بجد

للي فرشوا ف طريقي نسمة

شكرا بجد

للي وجودهم جنبي نعمه



وشكرا كمان للي باعوا

واللي ضاعوا

واللي فاكرين اننا انكسرنا

يوم وداعهم



شكراً لألم الضمير

بعد ما شربتوا بآدينا الحنين

وشكراً كمان للي كانوا طيبين

واللي خانوا العشرة بيننا

ونسىوا أحلام السنين



دموع تبحت عن امل

ألف شكر

وبنعتذر ع كل كلمة أمانة بيها منكم

يوم الرحيل

يلا فارقوا بالسلامه احنا كنا

غلطين

## المحتويات

4	مقدمة
6	من أنا؟
10	أنا بنت مصرية
12	يقظة متأخرة
15	طموح سنات
19	فكر لحظة
21	يخيل لي
22	بسمة غائبة
24	سعادة مسروقة
26	سألوني؟؟
30	نبح الحنان أُمي
35	فلسطيني حر
	احتياج..... خطأ! الإشارة المرجعية غير معرفة.
39	بكاء الأبرياء
41	شمس لا تغيب
44	أمل جديد
	تنادي القبور..... خطأ! الإشارة المرجعية غير معرفة.
49	فنجان حائرة
53	دنييتنا عجيبة
56	ملهاش إعادة
58	كان نفسي أعيش
60	ما تخفي الصدور
63	مشكلة بنات الفيس
67	زمان يا مزيكا
71	الصمت أنواع
73	يا فاجر
75	أمل والعيد
78	أشواك ورد
82	عنوان أوطاني
85	بحبك يا مصر

## دموع تليدث عن امل

بحبك يا حياة ..... 88

شكراً ..... 92

زمان يا مزيكا ..... خطأ! الإشارة المرجعية غير معرفة.

عارف؟ ..... خطأ! الإشارة المرجعية غير معرفة.